

# 庶物類纂

蛇屬  
十八

容

第百廿七函

太政官文庫			
和	特別	三	二
書	三	三	六
門	二	六	二
	類	號	函
		架	冊
		四	六
		五	冊

內閣文庫	
番號	和 32362
冊數	465 (412)
函號	特 54 1

百内

共四十六



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM: Kodak











庶物類纂蛇屬卷之十八目次

蛇角

蛇蛻

蛇骨

斗牛

天蛇

神蛇

青靈蛇


水蛇

庶物類纂 卷十八

蛇屬目次



蛇婆




蛇角

一名骨咄犀雲煙過  
 一名骨篤犀典籍一  
 一名碧犀同

俗名歌虛那紫那





蛇角

鮮于伯機云骨咄犀迺蛇角也其性至毒而能解毒蓋以毒攻毒也故又曰蠱毒犀然唐書有骨都國必其地所產今人訛為骨咄耳葉森于延祐庚申夏其子必明將骨咄犀刀靶二來看即此也其花紋如今市中所賣糖糕或有白點或有如嵌糖糕點以手摸之作岩桂香若摩之無香者為偽物也

宋周公謹雲煙過眼錄

伯幾云今所謂骨咄犀乃蛇角也以至毒能解毒故云蠱毒犀

元周密志雅堂雜抄



機謹按元史浩兩鈔摘腴同

骨咄犀蛇角也其性至毒而能解毒蓋以毒攻毒也

故曰蠱毒犀唐書有古都國必其地所產今人訛為

骨咄耳元南村陶宗儀輟耕錄

骨篤犀大蛇之角也解諸毒元劉郁西使記

按陶九成輟耕錄云骨咄犀大蛇之角也當作蠱毒

謂其解蠱毒如犀角也唐書有古都國亦產此則骨

咄又似古都之訛也明李東璧本草綱目

按大明會典云蛇角出哈密衛劉郁西域記云骨篤

犀即大蛇角出西番曹昭格古論云骨篤犀碧犀也

色如淡碧玉稍有黃色其文理似角扣之聲清越如

玉磨刮嗅之有香燒之不臭最貴重能消腫解毒洪

邁松漠紀聞云骨咄犀犀不甚大紋如象牙帶黃色

作刀靶者已為無價之宝也

骨篤犀一名碧犀色如淡碧玉稍有黃其紋理似角

扣之聲清如玉鯁之有香能消腫毒及能辨毒藥其

價最貴西番有之明范貞一典籍便覽

機謹按慎懋官華夷珠玩續考卷之十一載契丹



重骨吐犀犀不大萬株犀無一不曾作帶紋如象牙帶黃色止是作刀把已為無價天祚以此作兔鵝中國謂之插垂頭者腰條皮骨篤犀出西蕃其色如淡碧玉稍有黃其紋理似角扣之聲清如玉磨刮輒之有香燒之不臭能消腫毒及能辨毒藥又謂之碧犀此等最貴岑樓慎氏曰此與七卷所記不同以俟博物者正焉又按卷之七載骨吐犀蛇角也其性至毒而能解毒蓋以毒攻毒也故曰蠱毒犀唐書有古都國必其地所產今人訛為骨吐耳據此說則名骨吐

犀者有二種一古都國所產之蛇角也如夫西番所產者今紅毛所携來之一角之類也歟ウニカケル

隋書薛濬幼與宗中諸兒戲于澗濱見黃蛇有角及足召諸兒共視了無所見濬憂悴母問之濬以實對適有僧詣宅母告之僧曰此兒之吉祥早有名位但壽不過六七耳言終忽不見後濬果終于四十二彭明

大翼山堂肆考

異苑曰丹陽鍾忠以元嘉冬月晨行見有一蛇長二尺許文色似青琉璃有雙角白如玉感而畜之於是



資業日登經年蛇自七忠及二子相繼殞斃此蛇來  
去吉凶其惟龍乎淵鑑類函

蛇蛻

一名龍子衣神農本草一名龍子單衣同上一名弓


皮同上一名龍子皮名醫別錄一名蛇符同上一名蛇

筋吳普本草一名蛇皮藥性論一名蛇殼本草綱目一名

龍退同上

俗名歇虛那結怒又名孤七拿法那法戛罵





蛇蛻

蛇蛻塞兩耳治瘡疾唐李石續博物志

蛇蛻一名龍子衣一名蛇符一名龍皮一名龍子單衣一名弓皮生荊州川谷及田野五月五日十五日取之良畏磁石及酒陶隱居云草中不甚見虺蜮蛻惟有長者多是赤蝮力建切黃頰輩其皮不可復識今往往得爾皆須完全石上者彌佳燒之甚療諸惡瘡也今按陳藏器本草云蛇蛻主瘡取正發日以蛻皮塞病人兩耳臨發又以手持少許并服一合鹽醋



汁令吐也。嘉祐蒲注本草

蛇蛻從口翻退出眼精亦退今合眼藥多用取此義也入藥洗淨。末寇宗奭本草衍義

蛇字古文象其宛轉有盤曲之形蛻音脫又音退退

脫之義也。明李東璧本草綱目

今人用蛇蛻先以皂莢水洗淨纏竹上或酒或醋或

蜜浸炙黃用或燒存性或鹽泥固煨各隨方法。同上

蛇蛻山間多有以在石上者為佳。懷寧縣志

蛇毒物也有水陸二種陸種甚蕃。幾輔通志

蛇蛻只用白色如銀者勿用青黃蒼色。杭州府志

蛇脫石上完全者佳。瓊州府志

蛇屬

蛇蛻



蛇骨

俗名歌<sup>ハ</sup>虚<sup>ク</sup>那<sup>ナ</sup>霍<sup>ホ</sup>業<sup>ヲ</sup>


庶物類纂 卷十八

蛇屬

蛇骨

一






蛇骨


蛇骨洲在南康府都昌縣東南晉永嘉中有蛇長三十餘丈斷道以氣吸人被吞噬者蓋百數許遜有神術率弟子往殺之聚骨成洲明彭大翼山堂肆考

九域志蛇骨洲在南康府建昌縣晉永嘉末有蛇長三十餘丈斷道以氣吸人被吞噬者以百數吳猛率弟子往殺之蛇死處聚成洲有小蛇得脫猛云大蛇是蜀精蛇死之日而蜀賊杜弢韜同滅明陳仁錫潛確居類書





斗牛



蛇屬

斗牛




斗牛


斗牛龍類甲似龍但其角灣其爪三嘉靖西內海子  
 中有斗牛形類虬螭遇陰雨能作雲霧常蜿蜒道傍  
 及金鰲玉竦之上世皇齋居西內宮女換班過此見  
 必驚仆或有奔溺水中者宮監以閔上曰此畜只宜  
 在山後何為在此駭人乎是夜但聞跋浪跳擲之聲  
 平旦視之湖水破裂委迤一道蓋已徙去矣自是出  
 沒不過在萬歲山後

明王思義三才圖會續集






天蛇



蛇屬 天蛇





天蛇

太子中允關杞曾提舉廣南西路常平倉行部邕管  
 一吏人爲蟲所毒舉身潰爛有一醫言能治呼使視  
 之曰此爲天蛇所螫疾已深不可爲也乃以藥傳其  
 創有腫起處以鉗拔之有物如蛇凡取十餘條而疾  
 不起又予家祖塋在錢塘西溪嘗有一田家忽病癩  
 通身潰爛號呼欲絕西溪寺僧識之曰此天蛇毒耳  
 非癩也取木皮煮飲一斗許令其恣飲初日疾減半  
 兩三日頓愈驗其木乃今之秦皮也然不知天蛇何



物或云草間黃花蜘蛛是也人遭其螫仍為露水所濡乃成此疾露濡者亦當戒也天蛇其大如筋而扁長三四尺色黃赤多生于幽陰之地遇驟雨後則出越人深畏之以醋澆之則消或以石灰摻之亦縮死

宋沉括夢溪筆談

按沈存中筆談云天蛇生幽陰之地遇雨後則出越人深畏之其大如筋而扁長三四尺色黃赤澆之以醋則消或以石灰摻之亦死又云天蛇不知何物人遭其螫仍為露水所濡則遍身潰爛或云草間花蜘蛛者非矣廣西一吏為虫所毒舉身潰爛一醫視云天蛇所螫不可為矣仍以藥傳其一有腫處以鉗拔出如蛇十餘而疾終不起又錢塘一田夫忽病癩通身潰爛號呼欲絕西溪寺僧視之曰此天蛇毒非癩也

以秦皮煮汁一斗令其恣飲初日減半三日頓愈又水蛇治天蛇毒見前

明李東璧本草綱目

提舉廣南西路關杞行部邕管一吏人為蟲所毒舉身潰爛有一醫言能治呼使視之曰此為天蛇所螫疾已深不能為也乃以藥傳其瘡有腫起處以針投



之有物如蛇凡取十餘條而疾不起廣西通志

神蛇

蛇屬

神蛇



神蛇

搜神記蛇千年則斷復續淮南子云神蛇自斷其身而自相續煬帝遣人於嶺南邊海窮山求此蛇數四而至洛下所得之者長可三尺而色黃黑其頭錦文全似金色不能毒人解食肉若欲令自斷其身者則先觸之令怒使不任其憤毒則自斷為三四其斷之處如刀截焉見其皮骨文理亦有血焉然久怒定則三四斷稍稍自相就而連續體復如故亦似不相斷隋著作郎鄧云此靈蛇一類自斷不必千歲也

窮神秘苑




○明陳耀  
文天中記

機謹按事言要玄集鄧下有隆字

蛇千年則斲復續長可三尺而色黃黑其頭錦文全  
似金色不毒人觸之令怒使不任其憤毒則自斲為  
三四怒定則三四斲稍稍連續體復如故李曰華時  
物典彙  
水經註曰漢水東合洛谷谷有三源注一壑於神蛇  
成西左右山溪多五色蛇性馴良不為物毒同上  
黑蛟神蛇潛泉而居遇雨則躍明范貞一  
典籍便覽  
淮南子曰神蛇自斲其身而自相續注長三尺色似

金孰視微黑不毒人觸其怒則自斲若刀截怒定相  
就如故淵鑑  
類函






青靈蛇

蛇屬

青靈蛇

一





青靈蛇

郭子橫洞冥記曰蛇璣出塗云國有青靈蛇產珠色

光白  
太平  
御覽



水蛇

一名公蠃蛇本草綱目 一名水容蛇高要縣志 一名水蠃蛇同上

俗名迷紫孤七拿法 播磨州 又名曩法拉孤七拿法 肥前州 又名迷鎖孤七拿法 同上 又名虛涯曩思歇虛 日向州



水蛇

水蛇所在有之。生水中。大如鰻。黃黑色。有縵紋。嚙人。不甚毒。陶弘景言。公蟪蛇能化鱧者。即此也。水中又有一種泥蛇。黑穴居。成羣。嚙人有毒。與水蛇不同。張文仲備急方言。山中一種蛇。與公蟪相似。亦不嚙人也。  
明李東璧本草綱目

水蛇生水中。大如鰻。魚黑色。有縵紋。一名公蟪。蛇能化鱧。  
清廖文英正字通

水容蛇亦呼水蛇。本草名水蠃蛇。居水中。食魚。每生



卵生子悉納置腹中從口出入稍長乃止啣人則牙脫粘人肉然不甚痛害人捕食之

高要縣志

水蛇胎生無毒

瓊山縣志

謹按出雲州大社十一月之祭儀七日之中杵

築之海濱一蛇漂來而蟠藻上不害人神人函盛捧神狀長尺餘灰黑斑文尾如鰻鱧異諸蛇謂之神蛇是廖文英所謂水蛇也月令廣義燕京西潭柘寺二青蛇每年四月八日來見寺中僧人函盛傳玩以為神蛇人倍競往施錢手摩之

所免厄如此類也

蛇婆

一名水蛇

山堂肆考



蛇婆

蛇婆味鹹平無毒主赤白毒痢瘰毒下血五野雞病  
惡瘡生東海一如蛇常在水中浮游灸食亦燒末服

一二錢陳藏器餘宋唐慎微證類本草

按此所言形狀功用似是水蛇然無考證如各列條

明李東璧本草綱目

三元參贊蛇小而在水中者曰水蛇一名蛇婆本草

此蛇常在水上浮游明彭大翼山堂肆考



庶物類纂 卷十八







